

**Datum:** 12.10. 2023.

**Broj:** 02-06-1056

## TI BIH PRIJAVIO NOVOG DIREKTORA BH TELECOMA ZBOG SUKOBIA INTERESA

**Banja Luka, 12. oktobar 2023. godine** – Transparency International u BiH uputio je prijavu Komisiji za odlučivanje o sukobu interesa BiH protiv novog direktora BH Telekoma **Amela Kovačevića** koji je donedavno obavljao funkciju savjetnika ministra inostranih poslova BiH Elmedina Konakovića. Kovačević je imenovan za generalnog direktora iako Zakon o sprečavanju sukoba interesa BiH ne dozvoljava savjetnicima izabраниh zvaničnika da rukovode javnim preduzećima **šest mjeseci nakon isteka mandata**.

Prema [medijskim navodima](#) Kovačević je do nedavno obavljao **savjetničku funkciju** a Vlada Federacije Bosne i Hercegovine je na sjednici održanoj 21. septembra potvrdila odluku Nadzornog odbora **javnog preduzeća BH Telecom dd. Sarajevo** kojim su izabrani vršioци dužnosti uprave ovog preduzeća, među kojima se nalazi i njegovo ime.

Amel Kovačević je član NiP-a a njegovo imenovanje sa političke funkcije direktno na poziciju direktora jednog od najznačajnijih javnih preduzeća, **suprotno** je kako Zakonu o sukobu interesa BiH tako i **deklarativnom opredjeljenju** nove vlasti u FBiH za ispunjavanje uslova iz 14 prioriteta među kojima se posebno naglašava potreba depolitizacije javnih preduzeća.

Takođe treba podsjetiti da je rad Komisije za odlučivanje o sukobu interesa na nivou BiH, koja u ovom slučaju treba da donose odluku, često blokiran zbog **političkog načina odlučivanja** i da brojne prijave iz ranijeg perioda još nisu riješene. To se potvrdilo nedavno kada sjednica ove komisije [otkazana zbog nedostatka kvoruma](#) a na dnevnom redu našli su se nacrti odluka o sankcijama protiv više funkcionera uključujući i one protiv aktuelnog premijera Federacije BiH Nermina Nikšića i direktora Regulatorne Agencije za komunikacije (RAK) Draška Milinovića, dok se još od ranije čeka odluka protiv Milorada Dodika i drugih političara koje je TI BiH prijavljivao zbog sukoba interesa.

Takođe treba podsjetiti da pojave sukoba interesa **nesmetano prolaze** i na nižim nivoima jer se u Federaciji BiH postojeći zakon iz ove oblasti ne primjenjuje a nacrt novog je [povučen iz procedure](#) dok je novim izmjenama zakona u Republici Srpskoj sukob interesa [praktično legalizovan](#) što upućuje da su političari u BiH, i pored proklamovane podrške evropskom putu BiH krenuli upravo u suprotnom smjeru.

TI BiH podsjeća da proces evropskih integracija od BiH zahtjeva unaprjeđenje ključnih antikourpcjskih zakona među kojima je i onaj koji reguliše sukob interesa te da je ovo pitanje moguće riješiti temeljnim usklađivanjem zakona na svim nivoima vlasti u BiH i uspostavljanjem tijela koja su politički i na svaki drugi način **nezavisna** za odlučivanje o sukobu interesa javnih funkcionera.